



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
9-200

Xuv Cuaj – Cov Cai Kev Yuam Siv

Kev Tshawb Nrhiav thiab Kev Ywv

**9-204 Tsoom Nroog Kev Kaw Tseg Tub Ceev Xwm Tej Kev Ua Dejnum
(05/05/16)**

I. Lub Hom Phiaj

Lub hom phiaj ntawm txoj cai no yog ua kom paub thiab pov thaiv cov kev muaj cai raws cai thiab raws li kev cai lij choj ntawm cov pej xeem neeg uas yuav thajj duab thiab kaw suab los sis thajj vis dis aus tus neeg ua hauj lwm ntawm Minneapolis Lub Tuam Tsev Hauj Lwm Ntsig Txog Tub Ceev Xwm (Minneapolis Police Department). Txoj cai no muab cov lus qhia rau cov neeg ua hauj lwm hais txog kev saib xyuas cov xwm txheej uas raug kaw tseg.

II. Txoj Cai

- A.** Minneapolis Lub Tuam Tsev Hauj Lwm Ntsig Txog Tub Ceev Xwm paub tias cov tswv cuab ntawm zej tsoom raws li ncuav dav muaj txoj cai Hloov Kho Thawj Zaug uas tsis paub meej uas yuav kaw tseg ntaub ntawv ntawm cov tub ceev xwm thaum uas lawv tab tom ua cov hauj lwm uas raug raws cai los sis thaum tab tom nqis tes ua lub luag hauj lwm uas raug raws cai nyob rau hauv zej tsoom tej chaw, tshwj tsis yog cov kev kaw tseg hais los ntawd cuam tshuam rau tub ceev xwm li kev ua ub ua no. Cov tub ceev xwm tsim nyog muaj kev ntaus nqi tias muaj feem uas tus tswv cuab ntawm zej tsoom yuav tsom kwm saib thiab muaj feem uas yuav kaw tseg lawv cov kev ua ub ua no nyob rau txhua lub sij hawm.
- B.** Cov tub ceev xwm yuav tsum paub tias kev kaw tseg ntawm cov tib neeg, cov chaw, cov tuam tsev, cov vaj tsev thiab cov xwm txheej yog qhov kev ua ub ua no uas raug raws cai lij choj raws li ib txwm thiab ib txwm muaj. Yog tias muaj tus neeg tab tom thajj duab los sis kaw tseg los ntawm qhov chaw uas nws muaj cai, ces qhov kev ua ub ua no los ntawm nws tus kheej no yuav tsis raug xam tias yog qhov kev ua ub ua no uas muaj kev ua xyem xyav.
- C.** Nyob rau hauv cov cheeb tsam qhib rau zej tsoom, cov tswv cuab ntawm zej tsoom raws li ncuav dav muaj cai los thajj duab thiab kaw tseg zoo ib yam nkaus li tus tswv cuab ntawm mis dias. Tib neeg tsis tas yuav muaj los sis nthuav qhia "qhia" cov ntaub ntawv qhia tus kheej txhawm rau siv qhov kev muaj cai kaw tseg cov xwm txheej, uas suav nrog tub ceev xwm li kev ua ub ua no.
- D.** Cov tub ceev xwm **yuav tsum tsis** hais qhia rau tib neeg tias kev kaw tseg tub ceev xwm li kev ua ub ua no yog tsis tso cai, yuav tsum muaj kev tso cai los sis yuav tsuam muaj tub ceev xwm li kev pom zoo.

- E.** Kev ywv cov ntaub ntawv yam uas tsis muaj ntawv tso cai uas tau txais kev pov thaiv los ntawm qhov Kev Hloov Kho Thawj Zaug (cov duab, cov vis dis aus, thiab lwm yam) yuav raug kuaj xyuas yam uas muaj kev koj nruj nyob rau hauv tsev hais plaub, thiab muaj tus qauv cai uas siab zog rau kev tsim nyog raws li qhov Kev Hloov Kho Zaum Thib Plaub.
- F.** Cov neeg ua hauj lwm **yuav tsum tsis** luv tawm los sis tshem tawm, los sis thov kom tej tus neeg twg luv tawm los sis tshem tawm tej cov ntaub ntawv, mis dias los sis cov duab thaj tseg los sis cov suab kaw tseg los ntawm tej lub khoob thaj los sis lwm cov cuab yeej kaw tseg ntaub ntawv uas tej tus neeg twg muaj, los sis uas raug ywv los sis muab xa rov qab yam uas muaj kev txaus siab. Qhov kev nqis tes uas hais los ntawd tej zaum yuav xam tias yog kev yuam cai Cov Kev Hloov Kho Thawj Zaug, Zaum Thib Plaub thiab Zaum Thib Kaum Plaub.

III. Cov Ntsiab Lus Txhais

Tub Ceev Xwm Cov Luag Hauj Lwm: Tub ceev xwm cov luag hauj lwm uas tau ua nyob rau hauv zej tsoom qhov chaw tej zaum yuav suav nrog rau tej kev ua ub ua no, uas suav nrog cov kev ceev cia, cov kev tshawb nrhiav, cov kev ntes los sis kev siv dag zog.

Zej Tsoom Li Chaw/Qhov Chaw: Zej tsoom cov chaw suav nrog tab sis tsis tag rau: cov chaw ncig, cov kev mus taw, cov kev tsheb thiab cov chaw uas pej xeem sawv tawm tsam nom tswv. Dhau li no lawm qhov kev muaj cai kaw tseg ntaub ntawv kuj tseem nthuav dav mus txog rau tib neeg lub tsev los sis chaw ua lag luam, cov cheeb tsam raws li ib txwm ntawm zej tsoom thiab cov tuam tsev muaj tswv ntiag tug, thiab lwm lub chaw nce rau tsoom fwm los sis muaj tswv ntiag tug uas tib neeg muaj cai mus siv tau.

IV. Cov Txheej Txheem/ Cov Kev Cai

A. Tsoom Nroog Kev Kaw Tseg Tub Ceev Xwm Tej Kev Ua Dejnum

1. Thaum tus neeg ua hauj lwm tsoom kwm saib tus pej xeem neeg tab tom thaj duab los sis kaw suab los sis thaj vis dis aus nyob rau hauv qhov chaw uas tus tib neeg ntawd muaj cai raws li kev cai lij choj nyob rau ntawd, tus neeg ua hauj lwm **yuav tsis**:
 - a. Hais kom tus neeg ntawd tso tseg kev kaw tseg ntaub ntawv;
 - b. Thov ntaub ntawv txheeb xyuas tus kheej ntawm tus neeg ntawd;
 - c. Thov kom tus pej xeem neeg ntawd muab lub laj thawj rau qhov kev kaw tseg ntaub ntawv;
 - d. Ceev cia tus neeg ntawd vim kev kaw tseg ntaub ntawv los sis ua kev tshawb xyuas kev kaw tseg ntaub ntawv;
 - e. Txhob txwm thaiv los sis tsim kev tab kaum rau cov cuab yeej kaw tseg;

- f. Ua tej yam uas tso hem thawj, hem los sis tsim kev poob siab rau tus neeg ntawd los ntawm kev kaw tseg ntaub ntawv.
2. Qhov kev muaj cai kaw tseg ntaub ntawv yuav tsis muab qhov kev muaj cai rau pej xeem uas cuam tshuam rau tub ceev xwm li kev ua ub ua no. Tus neeg ntawd yuav muaj kev txhaum yog tias tus neeg ntawd tsis ua raws cai uas tsim kev tab kaum, tab kaum, thaiv kev los sis muaj kev cuam tshuam nrog rau tus tub ceev xwm saib xyuas kev thaj yeeb thaum uas tus tub ceev xwm tab tom ua lub luag hauj lwm los sis siv lub hwj chim raws li tau teeb tseg los sis tau txais kev tso cai los ntawm kev cai lij choj.
- a. Tus tib neeg qhov kev kaw tseg tus tub ceev xwm qhov kev ua ub ua no los ntawm ncuab sib nrug uas muaj kev nyab xeeb, yam uas tsis muaj kev nqis tes dab tsi los thaiv qhov kev ua ub ua no los sis tso hem thawj rau qhov kev nyab xeeb ntawm tus tub ceev xwm, yuav tsis xam tias yog kev cuam tshuam.
- b. Yog tias tus neeg tab tom kaw tseg qhov kev ua ub ua no los ntawm qhov chaw uas tsim kev tab kaum los sis tso hem thawj rau qhov kev nyab xeeb ntawm cov tub ceev xwm los sis lawv lub peev xwm los ua lawv cov luag hauj lwm, ces tej zaum tus tub ceev xwm yuav hais kom tus neeg ntawd txav tawm mus rau qhov chaw uas yuav tsis muaj kev cuam tshuam. Cov tub ceev xwm yuav tsis hais kom tus neeg ntawd tso tseg kev kaw tseg ntaub ntawv.
- c. Yog tias tus neeg tab tom kaw tseg qhov kev ua ub ua no los ntawm qhov chaw uas tsim kev tab kaum los sis tso hem thawj rau qhov kev nyab xeeb ntawm cov tswv cuab ntawm zej tsoom, ces tus tub ceev xwm yuav hais kom tus neeg ntawd txav tawm mus rau qhov chaw uas muaj kev nyab xeeb uas yuav tsis muaj kev cuam tshuam. Cov tub ceev xwm yuav tsis hais kom tus neeg ntawd tso tseg kev kaw tseg ntaub ntawv.
- d. Cov pej xeem neeg muaj cai los tawm lus pab tswv yim rau tub ceev xwm qhov kev ua ub ua no uas tau tso kwm saib. Ntev li ntev tau thaum uas qhov nthuav qhia tsis muaj kev phom sij rau qhov kev nyab xeeb ntawm tej tus tub ceev xwm, tus neeg uas xav tias muaj kev txhaum los sis tus neeg sawv saib, thiab tsis muaj kev yuam cai lij choj los sis ua rau lwm tus yuam cai lij choj, ces qhov kev nthuav qhia yuav tsis raug xam tias yog kev cuam tshuam.
- e. Kev ntes
- i. Tej qhov kev ntes tus neeg uas tab tom kaw tseg ntaub ntawv ntawm cov tub ceev xwm nyob rau hauv zej tsoom qhov chaw yuav tsum yog cuam tshuam rau qhov kev yuam cai lij choj uas muaj hom phiaj, tuaj yeem piav qhia tau uas tsis cuam tshuam rau qhov kev nqis tes kaw tseg ntaub ntawv. Qhov kev nqis tes kaw tseg ntaub ntawv yuav tsis tsim ua rau raug ceev cia los sis raug ntes.
- ii. Yog tias muaj kev nyab xeeb uas yuav ua li ntawd, ces cov tub ceev xwm yuav hu rau tus thawj coj saib xyuas hauj lwm kom mus rau ntawm lub chaw muaj xwm txheej **ua ntej** ua tej cov kev nqis tes ceev xwm uas coj nruj, thiab tus thawj coj

saib xyuas hauj lwm yuav tsum pom zoo rau tej qhov kev ntes uas tau cuam tshuam.

- iii. Yog tias tau ua qhov kev ntes **ua ntej** tus thawj coj saib xyuas hauj lwm tuaj txog vim cov xwm txheej maj ceev, ces tus neeg raug ntes yuav raug thauj mus rau ntawm lub chaw tuav cia los sis ceev cia kom txog thaum tus thawj coj saib xyuas hauj lwm tuaj txog thiab tau pom zoo rau qhov kev ntes.
- iv. Qhov ntes ib tug neeg twg tsismuaj kev zam cai rau rau kev tshawb nrhiav tus neeg lub cov khoom kaw lossis khoom tshaj xo. Txawm yog muaj tau cov khoom los rau lub sijhawm ntes tus neeg los kev rub ntaub ntawv, saib lossis mus muaj cov ntaub ntawv lossis cov khoom xa xov yuav tsum tau daim ntawv tso cai tshawb thiab li tau.

B. Kev Saib Xyuas Pov Thawj txog Lub Cuab Yeej Kaw Tseg Ntaub Ntawv

1. Cov pej xeeb neeg muaj kev vam khom siab txog kev ntiag tug rau cov ntaub ntawv ntawm cov xov tooj ntawm tes thiab lwm cov cuab yeej kaw tseg ntaub ntawv. Yog tias tsis muaj kev ntes tus neeg uas kaw tseg ntaub ntawv, ces yuav tsis muaj kev ywv lub cuab yeej kaw tseg ntaub ntawv.
 - a. Cov tub ceev xwm yuav tsis hais kom tus neeg ntawd nthuav tawm cov ntaub ntawv kaw tseg uas tau ua hais txog tub ceev xwm qhov kev ua ub ua no.
 - b. Tus thawj coj saib xyuas yuav tsum tau txais kev ceeb toom ua ntej tus tub ceev xwm ua tej qhov kev nqis tes uas cuam tshuam rau tus neeg ntawd lub cuab yeej kaw tseg ntaub ntawv, uas suav nrog kev thov kev pom zoo yam uas yus yeem yus los tshawb nrhiav los sis ywv lub cuab yeej.
2. Yog tias tus tub ceev xwm ntseeg tau yam uas muaj zoo laj thawj tias tus tswv cuab ntawm zej tsoom tau kaw tseg qhov pov thawj ntawm kev ua phem loj, ces tus tub ceev xwm yuav thov kom tus thawj coj saib xyuas hauj lwm tuaj rau ntawm qhov chaw muaj xwm txheej kiag tam sim ntawd.
 - a. Thaum muaj kev pom zoo ntawm tus thawj coj saib xyuas hauj lwm, tej zaum tus tub ceev xwm yuav nug tus neeg uas muaj qhov ntaub ntawv kaw tseg tias nws puas pom zoo yam uas yus yeem yus tso cai rau tus tub ceev xwm siv lub cuab yeej kaw tseg ntaub ntawv los sis mis dias thiab ua kev lis hauj lwm los ua pov thawj.
 - i. Tus tub ceev xwm yuav tsis yuam ncaj nraim los sis tsis ncaj nraim kom tso cai siv tej lub cuab yeej kaw tseg ntaub ntawv los sis cov ntaub ntawv uas tej zaum lub cuab yeej ntawd muaj.
 - b. Yog tias tus neeg ntawd tsis kam muab qhov ntaub ntawv kaw tseg los sis lub cuab yeej yam uas yus yeem yus thiab tus tub ceev xwm ntseeg tau yam uas muaj zoo laj thawj tias qhov ntaub ntawv kaw tseg yuav raug rhuav tshem, muab ua poob, raug hloov kho los sis raug tsim ua rau siv ua pov thawj tsis tau ua ntej tau txais daim

ntawv tso cai, ces tus tub ceev xwm yuav ceeb toom rau tus thawj coj saib xyuas hauj lwm.

- i. Tus thawj coj saib xyuas hauj lwm yuav ntsuam xyuas qhov xwm txheej thiab txiav txim seb puas muaj cov xwm txheej maj ceev uas yuav tso cai ywv lub cuab yeej yam uas tsis muaj ntawv tso cai.
 - aa. Tej qhov kev ywv uas hais los ntawd yuav tsum yog kev ceev cia ib ncuu sij hawm uas tsuas muaj lub hom phiaj rau kev tshwj tseg qhov pov thawj xwb, rau ncuu sij hawm uas tsis ntev tshaj li muaj kev tsim nyog yam uas muaj zoo laj thawj rau tus tub ceev xwm, uas ua kev nqis tes yam uas muaj kev ua zoo ceev faj, txhawm rau thov ntawv tso cai ywv qhov pov thawj.
 - ab. Yuav tsum muaj ntawv tso cai txhawm rau kuaj xyuas los sis theej tawm qhov ntaub ntawv kaw tseg thiab qhov kev ua hauj lwm ntawm kev ceev cia yuav tsum muaj ntaub ntawv kom meej.
 - ac. Qhov ntaub ntawv kaw tseg los sis lub cuab yeej yuav raug lis los ua pov thawj (saib P/P 10-400) thiab DIMS lub chaw daus lauj yuav **tsis** raug siv rau kev rub rov qab ntaub ntawv (saib P/P 4-217).
- c. Nyob rau cov xwm txheej uas maj ceev thaum tus tub ceev xwm ntseeg tau yam uas muaj zoo laj thawj tias qhov kev tshawb nrhiav qhov ntaub ntawv kaw tseg tam sim ntawd muaj kev tsim nyog los pov thaiv kev tuag los sis kev raug mob, ces tus tub ceev xwm yuav ceeb toom rau tus thawj coj saib xyuas hauj lwm.
 - i. Tus thawj coj saib xyuas hauj lwm yuav ntsuam xyuas qhov xwm txheej thiab txiav txim seb puas muaj cov xwm txheej maj ceev uas yuav tso cai ywv thiab tshawb nrhiav lub cuab yeej yam uas tsis muaj ntawv tso cai. Tus thawj coj saib xyuas hauj lwm yuav ceeb toom rau Thawj Coj Saib Xyuas Ntawm Lub Chaw Zov yog tias muaj kev pom zoo rau qhov kev tshawb nrhiav.
 - ii. Cov duab thajj, cov vis dis aus thiab cov ntaub ntawv kaw tseg uas raug ywv ua pov thawj thiab tsis cuam tshuam ncaj nraim rau cov xwm txheej uas maj ceev yuav tsis raug saib kom txog thaum tau txais daim ntawv tso cai tshawb nrhiav.
- d. Tej cov cuab yeej kaw tseg ntaub ntawv uas raug muab ceev cia yuav raug muab xa rov qab kom sai li sai tau thaum ua tau.
- e. Cov neeg ua hauj lwm yuav saib los sis mloog qhov ntaub ntawv kaw tseg los ntawm tus pej xeem neeg, los sis ua kev kuaj xyuas raws li kev cai tshawb nrhiav rau qhov ntaub ntawv kaw tseg los sis lub cuab yeej, yuav ua kom ntseeg siab yam uas muaj zoo laj thawj tias tsuas tau nkag mus siv cov ntaub ntawv uas muaj feem siv ua tau pov thawj xwb. Cov neeg ua hauj lwm yuav tsis kuaj xyuas tej cov ntaub ntawv uas tsis cuam tshuam rau qhov kev tshawb xyuas.